





泉史卷第九

南宋錢





穿上  
一星

鎮洋盛  
大  
書  
子  
履  
編







右南宋高宗建炎通寶錢五品重寶錢一品篆真二體宋史高宗紀建炎元年九月壬辰鑄建炎通寶食貨志建炎經兵燹鼓鑄皆廢蓋繼是不聞廣置鑪監矣又宋自蔡京始以益州交會之法引誘商賈南渡後軍需國用上下交困始以其法行於江淮行在謂之楮幣嗣後終南宋之世凡輸納給賞銅楮並行自鈔法行而銅錢貴又泄於海舶故南宋錢不及北宋之多








穿上  
仰月




仰月  
一星




雙星

右高宗紹興元寶通寶大小錢四品篆書真書二體幕文  
星月法周元宋元之制宋史本紀紹興元年八月壬午鑄  
紹興錢



右紹興鐵錢二品食貨志紹興九年詔陝西諸路行鐵錢  
置利州紹興監後品利字即利州也





右孝宗隆興元寶大小錢三品篆書一真書二食貨志隆興元年詔鑄小平錢此錢後二品皆折二也南宋錢隆興乾道殊不多見志稱乾道九年大江之西及湖廣多毀錢夾以泥沙重鑄之謂之沙尾錢詔嚴禁之又史載隆興間左司李椿言錢者出於官也能使禁出異域及銷毀每鑄當二母雜泥沙母縱私鑄又何患錢之不足此則官鑪錢亦有夾鉛沙者經久必壞故存者甚少







星月

右孝宗乾道元寶大小錢三品乾道元年鑄幕文松字當是監名錢述云乾道篆書幕有正字者余未之見




右乾道鐵錢宋史本紀乾道二年八月詔兩淮行鐵錢銅錢毋過江北三年正月罷銅錢過江之禁五年八月命淮西路鑄小鐵錢六年二月復置舒州同安監六月置蘄州蘄春監此春字即蘄春也










星月












右孝宗淳熙元寶大小錢二十品幕文各紀鼓鑄之年淳熙十六年之次年改元紹熙故淳熙十六紀年之數盡矣










右光宗紹熙元寶大小錢七品食貨志紹熙二年減斬春同安兩監歲鑄各十萬貫紹熙五年太皇太后詔嘉王擴即位是為寧宗故紹熙錢紀年至五而止



右紹熙鐵錢







穿上一星



右寧宗慶元通寶大小錢八品前二品小平錢也第三弟  
四品當二錢也第五品當三錢也後三品當五錢也小平  
錢於元年開鑄當二亦然當三則鑄自三年以後故無元  
二字當五錢大於當三制作甚精而宋志失載







右慶元鐵錢七品幕文二三四五皆紀年漢字漢陽監所鑄泉字神泉監所鑄春字蘄春監所鑄同字同安監所鑄也通考孝宗淳熙初詔司農許子中往淮西措置鐵錢命舒州置同安監蘄州置蘄春監凡各州皆置監續通考寧

宗嘉定七年始罷同安監鑄錢







右寧宗嘉泰通寶大小錢三品後一品泰字在穿右頗不多見



右嘉泰鐵錢






右寧宗開禧通寶大小錢二品




右開禧鐵錢






右寧宗嘉定通寶大小錢四品



右嘉定當五大錢寧宗本紀嘉定元年十二月四川初行  
當五大錢食貨志嘉定元年即利州鑄當五大錢








右嘉定鐵錢二品一通寶一元寶文皆左旋讀漢春皆紀  
監名一偃月一紀年也按鐵錢自漢公孫述廢銅錢置鐵  
官錢沿於六朝迄於唐末而莫盛於南宋通考宋太祖開  
寶三年令雅州置監鑄鐵錢以銅錢一當鐵錢之十太宗  
太平興國八年令福建鑄大鐵錢與銅錢並行其時邛州  
之惠民監嘉州之豐遠監興州之濟衆監皆專鑄鐵錢仁  
宗慶曆中陝西鑄小鐵錢河東鑄大鐵錢後小鐵錢獨行  
於河東而陝西許用大鐵錢以一折二神宗熙寧四年陝


西轉運使又請鑄折二錢俱從之時諸路置監總二十六  
監每年鑄銅鐵錢五百九十四萬九千二百三十四貫內  
銅錢十七監鑄錢五百六萬貫鐵錢九監鑄錢八十八萬  
九千二百三十四貫南宋孝宗乾道初詔兩淮京西悉用  
鐵錢荆門隸湖北以地接襄峴亦用鐵錢淳熙中舒州蘄  
春黃州江州興國軍臨江軍撫州共七監皆專鑄鐵錢續  
通考寧宗嘉定中江西提舉袁燮上便民疏其畧云今議  
者欲急於豐財故以鐵錢與銅錢並行當不足之時倏焉  
有餘豈不可喜而其實不然往時楮幣多故銅錢少而又  
益以鐵錢不愈少乎往時楮幣多故物價貴而又益以鐵  
錢不愈貴乎兩淮虛耗已甚運鐵錢於江南將以裕淮也  
然以江南之楮幣易淮甸之鐵錢厥價三倍姦巧之民爭



先取之此盈而彼虛鐵錢日以朘削銅錢禁不得往淮人將安所用哉且鐵錢之易就非若銅鑄之難成盜鑄如雲而起楮之輕也滋甚既不足以裕淮又不足以權楮也寧宗因罷同安監鑄錢自是而後鐵錢漸不行矣






右理宗大宋元寶大小錢二品本紀寶慶元年秋七月乙酉詔行大宋元寶錢蓋避年號寶字也錢志新編則別有寶慶元寶錢豈是時實有是種抑或好事者為之耶



右大宋鐵錢








右理宗紹定通寶大小錢四品








右理宗端平大小錢三品前一品小平錢曰元寶中一品疑是當三錢曰通寶後一品曰重寶較當三為大疑是當五錢也是時交會繁興鑄治幾廢故小平錢存者頗少折二則更不經見




右端平折十大鐵錢新編亦有之惟幕文穿右多一利字







右理宗嘉熙大小錢八品前二品小平錢中五品折二錢  
皆通寶後一品重寶當五錢嘉熙元年鑄見食貨志




右嘉熙大錢較當十錢更復過之而史無明文諸家譜錄  
亦不及載錢制精美足資珍翫





右理宗淳祐元寶大小錢三品理宗淳祐元年歲在辛丑  
至癸丑改寶祐故淳祐錢紀年至十二止





右淳祐通寶當百大錢諸譜亦載之而史無明文本紀淳祐九年三月己酉以程元鳳為江淮等路都大提點坑冶鑄錢公事十二年從監察御史劉元龍言遂令純用楮及至公私交做明年仍用錢會中半蓋自賈似道當國主用會子亦曰交子後又變為關子其意在廢錢用楮然亦不能盡廢園法也




右一品小如當五而亦曰當百足見國用大耗不過藉當百之名以供一時支給耳此錢余於雷君菱洲處借搨一過



右理宗皇宗元寶錢二品本紀寶祐元年八月行皇宗元寶錢避寶祐之寶字也北宋南宋皆鑄皇宗錢而有通寶



元寶之別北宋錢質堅厚南宋黠且薄而幕文紀年惟折  
 二錢制作頗工亦有不紀年者



右理宗開慶通寶大小錢二品本紀開慶元年五月行開  
 慶通寶錢



右理宗景定元寶大小錢二品續通考景定元年九月詔  
 新錢以景定元寶為文按景定錢晦黑窳薄必其襍和鉛  
 沙所鑄







右度宗咸淳元寶大小錢三品



右恭宗德祐元寶錢一品按恭宗立止一年元兵入臨安帝北去元封為瀛國公嗣後益王即位於福州是為端宗衛王即位於硯州是為帝昺皆航海播遷不及開鑄而國亡德祐錢存世絕少余於錢同人齋中見之形制與景定咸淳諸錢無異幕有元字

○臨安府行用

○準參伯文省



○臨安府行用

○準伍伯文省

右南宋錢牌二品文曰臨安府行用又一面曰準參伯文省一作準伍伯文省元人孔行素至正雜記言南宋錢牌長三寸有奇濶一寸此二品形製參差蓋錢牌徑寸量所

值之多少為廣狹也選錢齋筆記引厲鶚樊榭山房集曰宋錢牌長二寸許其文曰臨安府行用準參伯文省郎仁寶七修類藁云是南渡國窮補救通變之物交會錢引之類容齋隨筆太平興國四年詔民間緡錢定以七十七為陌自是以來官民出入謂之省錢然則銅牌殆即支錢之券當時錢無足百故着省字大士按省錢猶今所謂短串日知錄言五代漢隱帝時王章為三司使聚斂刻急舊制錢出入者皆以八十為陌章令入者八十出者七十七謂之省此宋初詔民間以七十七為陌制由於此南宋錢牌曰準參伯文準伍伯文殆準作參百文伍伯文之短串耳短串錢各處不同隋食貨志梁大同後以八十為百者謂之東錢以七十為百者謂之西錢以九十為百者謂之長錢



宋史言宋初輸官者用八十或八十五為百諸州私用各隨其俗此牌蓋專行於臨安府也

泉史卷第九

泉史卷第十

遼金西夏錢


鎮洋盛大士子履編




右遼太祖天贊通寶錢遼耶律阿保機於後梁末帝貞明二年稱神冊元年至龍德二年改元天贊遼史食貨志鼓鑄之法先代撒刺的為夷離董以土產多銅始造錢幣太



祖襲而用之遂致富強以開帝業



右穆宗應曆重寶錢遼史穆宗本紀天祿五年九月丁卯即位改元應曆以上二錢洪志俱有之



右景宗乾亨元寶錢景宗保寧十一年改元乾亨宋太宗之太平興國四年也食貨志景宗以舊錢不足始鑄乾亨新錢按此錢洪志不載而僅有劉夔之乾亨重寶鉛錢今審其形模與清寧咸雍諸錢相類知為遼錢無疑



右聖宗統和元寶錢舊譜宋太平興國八年遼隆緒鑄統和元寶錢






右聖宗太平元寶錢食貨志聖宗鑿大安山取劉守光所藏錢散諸五計司兼鑄太平錢新舊互用



右大興平寶錢洪志作大興平寶謹按

欽定錢錄大興平寶當是大興平寶蓋如天福鎮寶之別為一種背有丁字當是聖宗太平七年歲在丁卯也



右興宗重熙通寶錢遼史興宗本紀重熙二十二年閏七月長春州置錢帛司






右道宗清寧通寶錢宋至和二年遼清寧元年遼史言道宗之世錢有四等曰咸雍曰大康曰大安曰壽隆而不及清寧然清寧錢載在舊譜今世尚有流傳此係遼史之脫漏也




右道宗咸雍通寶錢遼咸雍元年宋英宗治平二年也




右道宗大康錢元寶一通寶一






右道宗大安元寶錢遼大安元年宋神宗元豐八年也按此錢安字甚長蓋與寶字相配遼錢字體古拙此品又變一格



右道宗壽隆元寶錢遼壽隆元年宋哲宗紹聖二年也




右天祚帝乾統元寶錢遼天祚於壽隆七年即位改元乾統宋徽宗之建中靖國元年也食貨志天祚之世更鑄乾統天慶二等新錢







右天祚帝天慶錢三品元寶二通寶一遼錢形模與北宋相似而字體樸拙核之宋與西夏皆不同錢志新編以天慶通寶屬遼元寶屬西夏殊無確據



右西遼天祚帝壽昌元寶錢洪志引東北諸蕃樞要云契丹天祚年號壽昌今考天祚帝則西遼耶律大石也據天祚帝紀百官冊立大石為帝號葛兒罕復上尊號曰天祚皇帝改元延慶無壽昌紀元之說豈正史失之而樞要別有所據耶至洪志引北遼通書天祚即位壽昌七年改為乾統此昌字即隆字之訛吳陶宰据此遂疑道宗亦有天祚之號又疑初稱壽昌後改壽隆其說近於臆斷矣余故仍據洪志屬之於天祚云





右遼后感天元寶錢洪志入不知年代品然其字體形模同於遼鑄謹按

欽定錢錄載此錢自右及上讀之曰感天元寶天祐帝在位二十年遺命感天皇后稱制蓋其時所鑄也



右千秋萬歲錢洪志引李孝美董道之說亦是遼國所鑄係遼之近世所為



右金海陵煬王正隆元寶錢煬王貞元四年改元正隆宋紹興二十六年也金史食貨志金初用遼宋舊錢雖劉豫之阜昌錢亦用之正隆二年始議鼓鑄冬十月初禁銅越外界懸罪賞格括民間銅器陝西南京者輸京兆他路悉輸中都三年二月中都置錢監二東曰寶源西曰寶豐京兆置監二曰利用三監鑄錢文曰正隆通寶按今所見者皆元寶疑史有輕重如宋小平錢而肉好文字峻整過之



大定通寶

大定通寶

大定通寶

大定通寶

大定通寶

大定通寶

口


申口

申口

酉口

酉口


未口






右世宗大定通寶錢六品金史大定十年令戶部流通官錢十五年諭宰臣增鑄新錢十八年代州立監鑄錢命震武軍節度使李天吉知保德軍事高季孫往監之而所鑄斑駁黑澀不可用詔削天吉季孫官兩階解職仍杖季孫八十更命吏部郎中張大節吏部員外郎麻珪監鑄其錢文曰大定通寶字文肉好又勝正隆之制世傳其錢料微用銀云十九年始鑄至萬六千餘貫二十年詔以五千進呈而後命與舊錢並用按此錢以白銅為之字體適整色澤瑩潤幕文申酉紀年有在穿上有在穿下者余所藏有未字更屬罕見錢述云更有子丑字大約十二辰皆有特未盡見耳世宗大定六年歲次丙申七年丁酉十七年丁未十八年戊申十九年己酉至二十九年己未世宗卒孫

環立是為章宗世宗鑄新錢始於大定十五年則錢文申酉當在戊申己酉其未字當在丁未或即末年己未也



右金章宗泰和通寶錢與宋當二錢相類而制作甚工





右泰和重寶當十錢金史食貨志泰和四年欲增鑄錢定從便易錢法聽人輸銅於京師而於山東河北大名等路依數支取鑄大錢一直十篆文曰泰和重寶與鈔兼行按此錢今世流傳尚多惟前品真書通寶頗不易見



右泰和重寶對文大錢





右哀宗天興通寶錢按此錢金史無明文銅質雖不及大定而制作與正隆相埒食貨志天興二年印天興寶會於蔡州自一錢至四錢四等疑此時雖用楮鈔而亦有錢以權之也余所見金錢正隆大定泰和天興凡四種而天興為絕少之品錢志新編復有章宗承安寶貨錢如宋錢當五之制据續通鑑綱目宋寧宗慶元四年金造承安寶貨宋慶元四年金承安之五年也此錢余未之見





右偽齊劉豫阜昌元寶錢劉豫為金人所立故附於金錢之末



右阜昌大錢二品一元寶一重寶元寶字含分隸元字左挑重寶真書新編皆載之





右夏仁宗趙仁孝天盛元寶錢夏天盛元年宋高宗紹興十七年也宋史外國傳紹興二十八年夏始立通濟監鑄錢是時為夏天盛十二年沈氏荃歷朝譜畧萬氏斯同紀元彙考皆以紹興十九年為夏天盛元年今從宋史



右襄宗皇建元寶錢宋史外國傳開禧二年正月夏趙安全廢其主純佑而自立明年改元應天在位六年應天四年改元皇建按皇建元年宋寧宗之嘉定三年金永濟之大安二年元太祖成吉思之五年也



右神宗光定元寶錢字體帶行書宋史外國傳遵頊始以夏宗室為大都督府主嘉定四年七月三日立改元光定在位十二年自號上皇傳位於其子德旺時宋嘉定十六年也





右獻宗乾定元寶錢獻宗名德旺遵頊之子也乾定元年  
為宋嘉定十六年金元光元年元太祖成吉思之十八年  
也獻宗於乾定四年殂南平王暉立為元所滅

泉史卷第十



程